

中

興

禮

書

中興禮書第五十五卷

吉禮五十五

明堂牌

紹興元年九月九日內殿進呈仁宗皇帝親篆明堂及飛白門榜上曰行宮殿小難以模設昨日已別書六字第以嗣天子臣名恭書代孝子嗣皇帝親札蓋以祀天為主也李白曰祀事本乎天祖宗止以配侑題額以祀天為主深合禮意秦檜富直柔皆以聖慮為允十三日進士黃朝美上進仁宗皇帝御書明堂牌碑本二軸詔送秘書省十六日安掛御書明堂牌並明堂之門碑四年十月十七日禮部太常寺言勘會昨明堂大禮安掛明堂牌係修內司所掌今來欲乞依例下修內司預

先計置排辨詔依

給興七年十年三  
十一年並做此

淳熙六年八月八日禮部太常寺言提舉修內司楊皓  
狀恭承降下御書明堂明堂之門六字并嗣天子臣御  
名恭書七字令本司製造牌二面今來明堂大禮安祔  
今契勘得紹興三十一年明堂大禮安祔過硃紅漆青  
地金字牌二面今開具制度高濶下項明堂牌牌心高  
五尺七寸濶三尺九寸牌頭濶七尺四寸脚濶六尺明  
堂之牌牌心高四尺七寸五分濶三尺七寸牌頭濶七  
尺二寸下脚濶五尺七寸通高七尺三寸欲依舊樣製  
造奉聖旨依奏本司契勘上件明堂并門堂之門牌二  
面未審合於明堂殿甚處安祔禮部太常寺契勘已降  
指揮大慶殿作明堂行禮殿所設神位並依南郊禮例

條於明堂殿上及兩朵殿東西兩廊并隔門外西廊至南廊並鋪設從祀神位行禮所有今來御書明堂碑欲乞於行禮殿上安掛其明堂之門牌欲乞於行殿面西新置便門上安掛詔依令擇日安掛二十九日禮部太常寺言提舉修內司楊皓申本司依舊樣製造明堂明堂之門牌二面了畢除已進呈外伏乞朝廷下所屬討論迎奉典禮安掛日時施行今檢照討論典禮止該載明堂及明堂之門牌條御書即不該載迎奉安掛典禮今叅酌禮例隨宜條具到下項 一迎奉并安掛欲乞用御封降真香二合下入內內侍省降付太常寺 一迎奉并安掛欲乞用儀衛親從官五十人下皇城司差撥裝著儀 一欲乞用綵結殿子二座令臨安府同儀

注全

驚司計會修內司排辦 一合用擡擊絲結殿子輦官

四十人乞下御輦院差撥裝著儀注全 一所有御書明堂

并明堂之門牌候修內司裝造畢欲乞且於本司廳安

奉候至安掛日迎奉赴明堂殿安掛所有合用搭材乞

令修內司差撥 一迎奉安掛乞差官一員行燒香禮

欲就差修內使官充 一太史局選到迎奉安掛牌吉

日時刻宜用九月十一日丙寅時用巽時吉詔依迎奉安掛

御書明堂明堂之門牌儀注其日安掛御書明堂牌時

前儀衛司於權安奉御書牌匾前掛香案及香火畢

香案前搭筋三上香執筋再拜升詣廳東壁次立次太

常寺率搭材輦官捧擊御書明堂牌并明堂之門牌升

綵結殿子儀衛從行禮官後從迎奉至新置便門并

明堂殿修內司搭材於時前先後安掛俟時至遷正權

退儀衛司設香案於殿前候時至排辦香火畢修禮

官於殿前北向立定冠擇官報時及修內司遷正畢行

九月二十八日太常少卿戴先幾言檢照昨紹興元年及三十一年明堂大禮明堂并明堂之門牌係太上皇帝御書本寺據修內司報見係本司所管恭觀今來宗祀告成元降宸翰明堂及明堂之門牌合用皇祐典故奉安於宗正寺欲望朝廷敷奏迎太上皇帝御書同奉安於正宗寺以彰兩朝大饗宸翰相輝為萬世感觀伏乞指揮下本寺討論奉安儀注施行詔依仍請降御書真本同奉安令臨安府依皇祐典故摹刻於石以石本頒賜近臣十月十九日修內司言紹興元年太上皇帝御書已經隔五十年累經巡幸案牘不存目今不在本司收掌所有今次明堂宸翰并兩次牌共四面遂具奏聞奉聖旨御書並已進納牌共四面依已降指揮施行

已具申尚書省外今月十四日續准提舉修內司承受  
提轄揚皓奉聖旨降下今次明堂并明堂之門宸翰六  
次令申尚書省劄下所屬依戴幾先申請指揮施行  
二十一日禮部太常寺言勘會將來奉安太上皇帝御  
書明堂并明堂之門牌二面今上皇帝御書明堂并明  
堂之門牌二面及奉安御書真本及摹刻於石竊恐將  
來宗正寺地步窄隘欲乞令太常寺同宗正寺臨安府  
前去相視所有迎奉安奉合行禮儀候相視到奉安去  
處別行條具申請施行詔依

十一月十五日禮部言據太常寺宗正寺申今來同臨  
安府於今月三日前去相視緣宗正寺係在五牒所置  
司本寺別無安奉去處今相視得玉牒殿門內屬籍堂

相對西壁廊屋五間可以隨宜建殿安奉及取到太史局狀即與國音別無妨碍緣今來地段係在玉牒殿門內逐處未敢便行陳請修蓋伏乞朝廷指揮施行候指揮下日欲乞令臨安府計會修內司見今奉安玉書真本并牌丈尺及安立碑石去處拆除上件廊屋五間應辦蓋仍乞行下玉牒殿照會所有將來迎奉奉安合行事件仍乞候見得修造次第本寺同宗正寺別行條具申請施行詔依

七年二月十四日禮部言太常寺宗正寺申勘會奉安御書明堂碑其迎奉奉行合行禮儀緣太常寺別無典故今欲乞比做昨淳熙四年六月內國子監迎奉安掛御書光堯御書石經閣牌禮例叅酌條具申請施行詔



依

三月十四日禮部言據太常寺宗正寺申今恭酌條具到合行申請事件一迎奉奉安御書明堂牌合用御封降真香四合乞下入內內侍省請降付本寺一今來臨安府修蓋御書牌殿所有迎奉奉安日辰欲乞令臨安府約度修蓋畢工月日報太常寺下太史局選定關報所屬施行一將來迎奉奉安是日宰執率文武百官於玉牒殿門外隨宜立班奉迎再拜權退如值兩許施官並免迎拜有司於俟時至宰執率文武百官於殿下時前依次權行奉安隨地立班定尅擇官報時及有司遷正畢班首上香訖在位官皆再拜訖退樂人作樂畢仍乞令御史臺閣門告祭百官至日俟朝廷退徑赴玉牒所以俟立班仍下

太史局差定時尅擇官一名迎奉奉安祇應 一乞令

臨安府差撥樂人一百人作樂迎奉奉安祇應 一合

差儀衛新從官一百人乞下皇城司差撥

裝著儀衛注

一

合用綵結殿子四座腰輿一乘乞令臨安府同儀鸞司

輦官前期計會修內司同共排辦 一合用捧擎結殿

子輦官一百人乞下御輦院差撥

裝著儀衛注全

一欲乞於

迎奉前一日權於修內司廳安奉俟迎奉日及乞差修

內司官一員行燒香禮并騎從至玉牒所於本殿奉安

詔依

四月二十二日太常寺言今月十八日據臨安府申蓋

造玉牒所御書殿字等一切了當本寺尋關太史選日

去後據申宜用四月二十四日丙午時用 時吉今欲

乞照應前項已降指揮是日俟朝殿退宰執幸文武百官徑赴玉牒所奉迎俟時奉安詔依

九年五月二十五日禮部太常寺言今歲明堂大禮安掛明堂牌乞令修內司等處並合行檢照淳熙六年明堂大禮已降指揮及已行體例施行今恭酌條具下項

一勘會淳熙六年明堂大禮御書明堂牌並明堂之門牌二面見於宗正時安奉今來合行雅飾修整故乞自宗正寺迎奉赴修內司令如法雅飾修整候畢且於本司廳權安奉令本司報太常寺以俟擇日迎奉赴明堂殿安掛所有迎奉並安掛日辰令太史局選定其合用搭材乞令修內司差撥施行 一合用御封降真香三合乞下入內侍省請降付太常寺 一迎奉並安

掛合用絲結殿子二座乞令臨安府同儀鸞司及輦官  
前期計會修內司同共結縛排辦并用香案花瓶麻  
爐匙合案衣炭火乞令臨安府同儀鸞司計會釘設排  
辦內安掛牌行燒香禮合用上香炭火乞下儀鸞司差  
人排辦掌管乞從太常寺報皇城司等處照會於入經  
由門戶至行禮殿 一迎奉并安掛合用儀衛輦官乞  
下所屬差撥 一所有今來自宗正寺迎奉并將來安  
掛欲乞從淳熙六年禮例就差修內司官一員行燒香  
之禮仍乞令所屬差官從至修內司詔依

十月十七日試太常少卿兼太子侍讀權禮部侍郎余  
端禮劄子勘會今次明堂大禮所有今上皇帝御書明  
堂牌並明堂之門牌二百條修內司官司宗正寺行燒

香禮從至本司廳雅飾候畢工修內司官燒香迎奉安  
掛訖退契勘昨淳熙六年明堂大禮畢創行建造奉安  
明堂牌並明堂之文牌殿宇當時已用宰執百官立班  
奉迎奉安了當所有今來明堂大禮畢明堂牌并明堂  
之門牌二面合自修內司迎奉赴宗正寺元奉安處奉  
安其迎奉奉安禮儀欲乞比做迎奉安掛禮儀本寺一  
面修定關報所屬施行詔依

中興禮書第五十六

吉禮五十六

明堂玉幣

紹興元年四月三日禮部太常寺言勘會將來明堂大禮合用蒼璧目今有司別無庫管如日近御前降列花文玉璧見有餘數其碾造黃琮真玉即無見在若不措置深恐有妨供使朝旨劄付禮工部太常寺同共日下疾速詳議合如何措置於典禮不致妨闕禮工部太常寺言勘政和已前祀天地用禮神真玉置於神座之右用石依真玉製造燔玉行事奠幣時燔玉加於幣奠獻禮畢焚瘞政和間因臣僚詳議真玉為禮神之器更不燔瘞今來別無庫管及餘數玉璧皆是花文若珉石依

樣製造燔玉蒼璧黃琮二段用彩色依方色飾之至時  
行禮奠獻禮畢焚瘞所有真玉權不設置更合取自朝  
廷指揮禮工部太常寺供列狀政和以前祀天地燔玉  
係用石以彩色依方色飾之至行禮尊獻禮畢焚瘞別  
無違礙兼自來即不曾用藥玉充代詔依所申令文思  
院製造仍令兩浙路轉運司更切多方求訪候有繳申  
尚書省優與恩賞

二十八日太常寺言合祭天地奉太祖太宗配用蒼璧  
三段黃幣一段各長一丈八尺小尺乞別戶部下左藏  
東庫選勘好物帛用脚印支供赴寺詔依

八月七日詔已降玉令文思院製造蒼璧黃琮尚慮數  
多今更降玉瑩一塊可相度添用

八日參知政事張守奏蒙降出蒼玉璞已送文思院上  
日所從買家知是大禮所用頗邀厚價朕以祀天不當  
計費先是明堂闕蒼壁黃琮禮部鑄引故事請以石為  
璧神天地之色聖意殊不以安乃備命求訪至是  
得之

四年四月六日禮部太常寺言今條具到合行事件下  
項 一禮神真玉蒼壁一黃琮一並見在太常寺牧掌  
青圭一赤璋一黃琮一白琥一黝黃一圭璧二兩圭有  
卽六共計十三段並闕欲乞下工部預先計置碾造

一幣帛共計四百四十三段各長一丈八尺小尺並從  
太常寺具合用方色申戶部下左藏庫將堪好物帛變  
染逐色依丈尺分打用本庫印記訖支供赴太常寺詔  
第一項令太常寺彩畫樣製下工部并兩浙轉運司臨



安府限一月計置餘依

七年十年所用幣帛數並同四年

十六日禮部太常寺言契勘將來明堂大禮合用禮神真玉除昊天上帝皇地祇已有蒼璧黃琮外其餘五方帝日月等玉已降指揮計置檢會太常因革禮天聖十年恭謝天地于天安殿以行禮日逼攻玉不及故玉皆用珉欲乞除正位已有蒼璧黃琮外內五方帝日月等依天聖故事施行詔依已降指揮尋訪五月十六日工禮部言知臨安府梁汝嘉劄子準尚書省劄子將來明堂大禮合用禮神真玉共一十三段下工部并兩浙轉運司臨安府限一月計置令尋訪得一色碧玉一塊秤重二十三斤劄付工禮部仰將已買到玉同合干官吏等子細計料據將作監狀尋勅文思院上界契勘製造

明堂大禮禮神真玉今來臨安府計置到真玉一塊只  
可以解造兩圭有卽四勦音白虎各一并轉運司計置到  
玉四片內一片可以造赤璋 尚少六段今月六日已  
是限滿竊慮逼促解造不前兼勘會紹興元年大禮造  
過蒼壁係降到玉段就材解造了當今相度欲將臨安  
府轉運司置到一色碧玉於卽碧上外來揀圭及乞依  
紹興元年明堂大禮已造過蒼壁黃琮量玉大小就材  
解造即未審于太常音有無相妨本部今相度下太常寺  
指定據本寺狀勘會今來明堂大禮其所造禮神真玉  
如所屬委實計置不及禮經尺寸欲依紹興元年已造  
蒼壁黃琮隨宜製造詔依

七年二月四日宗正少卿兼權太常太卿馮楫言契勘

本寺見管禮神真玉一十五段緣本寺庫屋與軍寨居民草屋相接即無看管兵級竊慮絃急火燭救護不前今欲乞權送太廟奉安所庫內寄收如遇使用即行闕

取事畢徑行送納詔依

自後制進真玉五送本所庫內寄收

五月七日禮部太常寺言勘會將來大禮前二日朝獻

景靈宮前一日朝享太廟共合用帶帛一十二段白者一

一十各長一丈八尺小尺欲乞下戶部指揮左藏庫依丈

尺分打用本庫印記限大禮前一月支供赴太常寺詔

依十日禮部太常寺狀

明堂大禮前二日朝獻景

靈宮依儀合用禮神真虎四圭有卽一依禮經四圭有

卽卽徑六寸厚寸一四面圭各長一尺二寸博三寸如

無此大玉只圭各長三寸令欲乞令工部下文思院計

置隨宜依樣碾造伏乞朝廷少擇副付工部依所乞施行恐收買玉段不及即令太常寺畫樣行下福州以石依樣製造於大禮前五日赴尚書省送納不得少有違誤

六月五日宗正少卿兼權太常少卿馮楫言勘會近承聖旨將見管禮神真玉般發赴行在應副明堂大禮使用行宮本寺契勘見管禮神真玉共一十四段今欲乞將蒼璧等真玉一十三段先次交付臨安府所差使臣同本寺供官管押前去外有黃琮一段乞行權留應副五月二十五日夏至日祭皇地祇并六月土王祀黃帝使用候禮畢乞下吏部差小使臣一員管押前去本寺交割所有將來七月以後祠祭合用禮神真玉緣行在

本寺元申請指揮申既無行宮祠祭不用真玉之文伏乞朝廷速賜處分下寺以憑遵執伏候指揮行在太常寺供到狀勘會行宮本寺申乞留黃琮應副祭皇帝祇并祀黃帝使用畢齋赴行在欲乞依行宮本寺所申事禮所有七月己後祠祭神真玉乞止奠幣行禮權不用玉俟應奉明堂大禮禮畢從本寺申請差人管押赴行宮本寺交割詔依

三十一年四月十六日禮部太常寺言勘會將來明堂太禮前二日朝獻景靈宮前一日朝享太廟合行事務並依紹興二十八年大禮令有司各行檢照禮例排辦數內明堂合用方色幣帛一十七段各長一丈八尺條絹充欲乞依例報太府寺行下左藏庫變染支給詔依



中興禮書第五十七卷

吉禮五十七

明堂禮料一

紹興元年四月三日禮部御史臺太常寺言同共條具到明堂合行事件下項 一大禮排辦禮料酒齊等自來係光祿寺前期備辦緣今來光祿寺省罷欲乞令太常寺將合用禮料酒齊名件斤重升合下越州預先計置令本州專置庫屋收貯如闕本色令太常寺看詳以時物充代所用祠祭酒并五齊三酒係法酒庫醞造今來大禮合用酒齊欲乞令步軍司將拘收法酒庫兵匠選差五人赴越州別置醞造令太常寺具合用酒齊名色升合報本州仍乞拘收舊光祿寺祠祭官赴寺指教

排辦禮料醞造酒齋與支太常寺第二等供官請給

一將來大禮正配位合用牛犢羊豕係每位用副各一  
今來欲乞除正牛犢羊豕不可裁省外乞將副犢羊豕  
三正備一副仍乞候有司討論定神位令太常寺具牛  
犢實數報兩浙轉運司收買應副所有合用羊豕亦令  
具數下越州收買應副其上件牲牢依條前九十日入  
滌仍乞令收買去處限前四箇月津遣赴寺驗訖送牛  
羊司入滌詔依

七月二十八日太常言參酌禮例格令合排辦事件下  
項 一合用秉燭二十四條常料燭二條乞令兵部行  
下儀鸞司支給赴寺并合用縮酒茅四束肺祭茅四束  
升煙柴五百斤燎草八束乞下赴州應副 一合差棹



擎祭器法物神席兵士三十人擡擎禮料酒齊神厨物  
色并煙柴燎草兵士三十人擡擎大樂法物兵士二十  
人乞下殿前司步軍司依條例 差仍令殿前司差管  
押人員一名並於大禮前一月到寺及合差擡擎灌茅  
祭酒親事官四人乞令皇城司依自來條例差撥於大  
禮前十日到寺詔依

四年四月六日禮部太常寺言今條具到合行事件下

項 一蠟燭正配位外  
從祀數目椽燭八條秉燭一十六條常料

燭一千五百八十四條欲乞下兩浙轉運司行下行管  
州軍分造赴太常寺送納 一昨來明堂大禮應合用  
禮料係太常寺具合用名件斤重升合下紹興府專委  
官預先計置收買本府專置庫屋收貯如闕本色以時

物充代所有今來大禮欲乞下臨安府依上件禮例排  
辦 一契勘昨明堂大禮合用五齋三酒係太常寺具  
合用酒齊名色升合報紹興府應辦米麩等別置庫醞  
造內合用酒匠係令步軍司拘收法酒庫工匠醞造所  
有今來明堂大禮欲乞並依前項禮例令臨安府應辦  
一昨來明堂大禮每位合用正副牛犢係令太常寺  
具數牒兩浙轉運司收買其合用羊豕亦係具數下紹  
興府收買應副其上件牲宰依條前九十日入滌仍乞  
令收買去處限前四箇月津發赴寺驗訖送牛羊司入  
滌如法養餵所今來明堂大禮欲乞除牛犢令兩浙轉  
運司收買內羊豕乞令臨安府收買其收買并入滌日限  
並依前項禮例施行詔依

十六日禮部太常寺言已降指揮參酌損益務崇簡儉勿為無益徒有耗費令禮部太常寺條具聞奏今條具裁省事件數內將來明堂大禮已降指揮令兩浙轉運司收買正副牛犢各四臨安府收買正副羊豕各二十二每一正備一副今欲乞除牛犢並依舊數外將前項羊豕每二正只備一副係省減羊豕共二十二詔依

十七日禮部太常寺言勘會自來明堂大禮合差親事官一十人入殿般擎神酒禮料看管撰慢內牲牢燈燭等并合差親事官四人擡擎縮酒茅並下皇城司前十日差撥赴太常寺事畢發遣今來欲乞依上件禮例令皇城司差撥詔依自後此

六月六日禮部言准都省送下太廟景靈宮提點奉迎

所申為將來明堂大禮乞降前二日奏告祖宗配侑御封香祝等送部勘當申尚書省尋下太常寺勘當到下項一紹興元年明堂大禮前一日遣官詣太廟別廟行禮其所用牲牢准太常寺看詳遣官行禮即與親祠事體不同除牛犢不排辦外所有羊豕各一十一令温州收買置滌官養餽將來明堂大禮用與不用牛犢更合取自朝廷指揮契勘紹興元年朝饗太廟行禮係用羊豕不用牛犢今勘當欲依紹興元年禮例用羊豕行禮一將來明堂大禮前二日奏告并遣官行禮合用燭幣酒齋禮料蕭蒿隨茶縮酒茅苴炭火行禮官等致齋合排排辦事件並乞令温州排辦今勘當欲依本所乞施行詔詔依

八月二十五日禮部太常寺言契勘明堂大禮依儀前  
一日未後宰殺牛犢羊豕太官令監視光祿丞監饌神  
食及自來每遇大禮係光祿卿監察御史至饌造了畢  
詣神廚展視神食在京明堂光祿卿監察御史係內中  
致齋今來明堂大禮光祿卿監察御史並本司致齋若  
候饌造神食宰殺了當已自日晚將閉內門今欲乞除  
太官令光祿丞就神廚宿齋外其光祿卿監察御史乞  
依儀於未行禮前詣正配從祀神位前點閱詔依自後

人自三十一年以後光祿  
卿亦就神廚宿齋

九月十二日太常寺言皇城司奏檢准勅節文太常寺  
申明堂大禮條具到一項贊者供官樂工并擡擊牲牢  
神酒禮料法物祭器等禁軍及皇城司差到擡縮酒茅

看管饌慢親事官並各合被勅入殿門號令太常寺報  
皇城司關借施行尋牒本寺勘會到贊者供官樂工掌  
事掌器一百八十一人係是行禮時正在殿內并般擊  
神酒牲牢禮料大樂祭器等禁軍二百一十人擡縮酒  
茅般擊神酒禮料看管饌慢等親事官一十四人並是  
未行禮前預入殿般擊舖設了當權出殿門俟禮畢却  
入殿般出本司契勘贊者等合破勅入壇殿號外其般  
擊禁軍并親事官既無殿內應奉職事即難以一等支  
號今欲乞支借白木工役牌子照驗出入所貴易為辨  
驗詔依

七年五月一日禮部太常寺言今續條具到合行事件  
下項 一大禮前二日朝獻景靈宮前一日朝饗太廟

共合用秉燭九十六條

每條重十二兩

一欲乞下江南東路轉

司行下所管州軍分造仍於大禮前四十日赴太常司

送納 一大禮前二日朝獻景靈宮合用素饌并前一

日朝享太廟合用禮料及遂處合用酒齋縮酒茅藉祭

器庫等欲乞具合用升合斤重名件數目下建康府一

就專委官預先醞造計置收買本府置庫收貯如闕本

色令太常寺看詳以時物充代仍於大禮前四十日一

切畢佈 一大禮前一日朝享太廟合用正副角椀牛

犢各一十一

并母

今契勘副犢若依自來條例收買竊慮

州軍難以應辦今欲乞依羊豕例每二正佈一副具數

報江南東路轉運司仍限大禮前四箇月收買赴太常

寺呈驗訖送牛羊司入滌養餒其合用羊豕亦乞具數

報建康府收買每二正備一副於大禮四箇月收買呈  
驗入滌養餒 一將來明堂大禮合用牲牢牛犢羊豕  
並係於大禮前四箇月買發到寺看驗入滌養餒緣即  
日本司本有滌宮今欲乞下牛羊司約度實用間數下  
建康府修蓋滌宮牲牢庶得充膺詔依

二十八日禮部太常寺言今條具到下項 一勤會昨  
紹興四年明堂大禮除兼祗應使臣禮直官各有本色  
服外所有贊者供官樂工并擡擎牲牢神酒禮料法物  
祭器等禁軍及皇城司差到擡縮酒茅看管饌慢親事  
官並各合被勅入殿門候差到具的確人數報皇城  
司闕借所有今來明堂大禮乞依上件禮例施行

一年淳熙六年  
九年並做此

一切會昨紹興四年明堂大禮係差



御厨工匠三十人饌造神食兼預先差撥三五人前去所屬指說安泥鍋竈並祠前一日合用明火饌造本厨預先闌報皇城司前一日計會合千人押明火赴御厨饌造所有今來明堂大禮並朝獻景靈宮朝享太廟欲乞依上件禮例施行

十年依此三十一人差十五人  
淳熙六年九月差五十八人 詔

依  
十年七月四日禮部太常寺言今參酌比附申請下項  
一溫州景靈宮諸殿閣聖像神御前合行事件 一  
合用御封降真香二十五合乞令入內內侍省請降及  
乞依例令本省差人計會學士院請領青祠祝文一就  
齋降前去本宮交割 一依已降指令溫州知通於大  
禮前二日分詣行禮外所有應合排辦事並乞依溫州

見今逐時排辦酌獻禮例排辦其合差太祝二員以文  
臣有出身人充亦乞令本州差官應所差官並合於九  
月七日致齋九月八日行事一內中承元殿徽宗皇帝  
順承殿顯恭皇后顯肅皇后神御前合行事件 一合  
用御封降真香三合乞令入內侍省請降 一每位  
合用的獻牙盤食茶酒菓等並乞令四孟朝獻禮例令  
御厨翰林司排辦供應 一合用器皿上香炭火拜席  
等乞令本殿依例排辦 一合用燒祝版燎草三束并  
真蠟燭八條乞下臨安府排辦赴司至日差人齎擎至  
本殿供使仍報皇城司并天章等閣照會經由門戶放  
入其焚燎祝版火乞依例令本殿排辦就火窰子內焚  
燎 一依已降指揮合差侍從官一員分詣行禮今欲

乞候申請差明堂大禮行事官日一就具窠目申中書  
省差官 一合差太祝二員以文臣有出身人充今欲  
依例令吏部差官詔依

中興禮書第五十八卷

吉禮五十八

明堂禮料二

紹興三十一年四月十六日禮部太常寺言勘會將來  
明堂大禮并前二日朝獻景靈宮前一日朝饗太廟合  
行事務並依紹興二十八年大禮令有司各行檢照禮  
例排辦施行今條具到合行申請事件下項 一合用  
禮料等係依自來大禮體例開具合用數目報臨安府  
并藉田司計置排辦仍限前一月足備 一明堂合用  
椽燭八條各重三斤秉燭五十七條各重一斤 一欲乞依例  
報兩浙轉運司如法捍造限前四十日足備詔依  
同日太常寺言將來明堂大禮牛犢羊豕每兩正備一

副內祀天并配位共二位合用正牛犢二并副牛犢一

并正羊豕各二副羊豕各一從祀一十五位合用正羊

豕各八副羊豕各四前一日朝饗大廟合用正牛犢一

十一并副牛犢五并正羊豕各一十一副羊豕各五同

日分詣別廟合用正羊豕各一配饗功臣七祀合用正

羊豕各一內祀天并配位牛犢合用角齒粟純黃色不

帶破雄犢充其逐項犢母不拘毛色并要有乳其牛犢

欲下兩浙轉運司其羊豕欲下臨安府依例收買並於

大禮前九十日押赴寺看驗送牛羊司入滌兼收養牛

犢欲依例令臨安府下市令司差撥醫獸三人交收看

驗醫治合用藥材從本市具數下市令司應副詔依

十九日禮部言准都省批送下臨安府申所有令次排

辨明堂大禮合用祀神五齊三酒未審若干數目伏望  
下太常契勘太常寺勘會將來明堂大禮并朝獻景靈  
宮朝饗太廟及分詣別廟并奏告及七祀配饗功臣合  
用五齊三酒并祠祭法酒共六碩七斗五升今看詳欲  
乞依逐次大禮禮例令臨安府依前項合造酒齋數目  
置庫前期如法醞造其合用酒匠亦乞依例令步軍司  
於所屬差撥曾經醞造酒匠五人赴臨安府醞造詔依  
七月八日禮部太常寺言勘會將來明堂大禮合用神  
厨并牲牢園禮料酒齊胙肉庫屋共一十日尋闕會到  
修內司稱昨紹興十年所蓋神厨屋去處今來別無空  
閑地步可以修蓋今據合千人相視到射殿南廊外宴  
設厨屋一十間欲乞時暫踏逐充神厨等屋使用并屋

下合行安設牲牢園泥埋鍋竈修砌壘臺樨截庫房釘設幃幕等並乞下修內司儀鸞司臨安府同共排辦及令太常寺同御厨牛羊司各差合千人指說安設泥埋修砌樨截釘設詔依

八月一日禮部太常寺言勅會將來明堂大禮并朝獻景靈宮朝饗大廟今從宜參酌條具到合申請事件數內一項前二日朝獻景靈宮前一日朝饗太廟別廟等廟等處合用牲牢幣帛酒齊禮料等並乞依親行朝獻并親享大廟禮例闕報所屬排辦所有明堂大禮合用牲牢禮料酒齊玉帛等並乞依近降指揮排辦詔依二十六日禮部太常寺狀准都省批送下新除太常少卿王晉劄子竊惟明堂大禮并日後祠祭有合申稟事

件下項後批送禮部太常寺檢照典故看詳申尚書省  
今檢照典故看詳下項 一神席莞係蒲葉鞞係穀稈  
蒲越係麤蒲並合如法織造各盛以袋禮畢藏之敬則  
焚之今有司神席取其臨時已即棄去殊不嚴潔兼以  
葦簾為葉鞞以白草席為莞皆非是其蒲越亦不如法  
欲乞改正謹按小雅下莞上箒箋云莞小蒲之席也正  
義謂釋草云莞符籬郭璞曰今西方呼蒲為莞言小蒲  
者以莞蒲一草之名而司几筵有莞筵蒲筵則有小大  
之異為席有精為粗故得為兩種席也知莞為小蒲者  
以司几筵設席皆粗者在下美者在上蒲筵績純加莞  
席紛純明莞細而用小蒲也禮器莞箒之安而葉鞞之  
設正義謂葉鞞除穗粒取稈葉為席郊祭不用莞箒之



可安而設藁鞞之粗席亦修古也郊特牲莞篲之安而蒲越藁鞞之尚明之也注蒲越藁鞞藉神席也正義謂今禮及隋禮藁鞞為祭天席蒲越為配地席俱藉神也本朝郊廟奉祀禮文引晉摯虞議郊丘之祀掃地而祭牲用蒲栗器用陶匏事反其始故配以遠祖明堂之祭備物以薦三牲並陳遵豆成列禮同人禮故配以近考然則郊以遠人而尊故以天道事之堂以近人而親故以人道事之乃以莞席代藁鞞蒲越以玉爵代匏爵其豆登簋俎尊罍並用宗廟之器今郊祀用藁鞞蒲越而明堂用莞席並合如法製造盛頓敝則依祭器祭服之法焚而埋之仍改造新者庶合禮意前此有司承誤以藁簾為藁鞞白草席為莞席今看詳欲依本官所乞施

行 一蘆蓋之實黍係黃糯粟米稷係白粟米稻係粳  
米梁係梁穀米今有司唯稻用本色外乃以粟米為黍  
又代梁以糯米為稷皆非是欲乞黍稷稻並非本色其  
梁米本土所無即以糯米代之又暹實熟黍為黑當用  
秬黍今以粟為之非是亦乞改正謹按周官太宰三農  
生九穀鄭氏謂黍稷稻粱芡麻麥小豆也膳夫食用  
六穀鄭氏以食醫證之謂稌黍稷粱麥芡也九穀六穀  
皆有稷無粟有稌無稻釋草曰稌稷疏謂左傳云稌食  
不鑿稌者稷也曲禮稷曰明稌是也郭璞云今江東呼  
粟為稌然則稌也稷也粟也正是一物釋草又曰稌稻  
疏謂別二名也郭璞云今沛國呼稌周頌多黍多稌禮  
牛宜稌幽風十月穫稻為一物也字林云糯粘稻也秬

稻不粘者前此有司秬稻雖得其正而以糯稻為稷則  
誤矣許氏說文曰黍可以為酒今東人為之黃米用以  
造酒毛公詩傳以黃烏為搏黍則黍黃可知說文黏黏  
二字皆从黍則黍可黏知少字饋食禮佐食取黍于敦  
搏之以授尸今親祠太官令取黍於簋搏以授太祝皆  
為其黏故可搏也前此有司以粟為黍誤矣釋草又曰  
藿赤苗芑白苗疏謂藿即今之赤梁芑即今之白梁紹  
興今文祀事禮料無本色者比類代充今近地既無梁  
米即以糯米代之可也釋草又曰秬黑黍李巡曰黑黍  
一名秬春官鬯人注云釀秬為酒今太廟所用秬鬯見  
以黑黍醞造然則遵實熬黍為黑亦當用黑黍前此有  
司乃熬粟米其色黃白而謂之黑則誤矣今看詳欲依

本官所乞施行 一盞盞各依一共約實飯八升當用  
米四升今有司每一盞一盞共米一升殊為菲薄欲乞  
增米三升為飯庶得豐滿謹按考工記旒人為簋實一  
穀豆實三而成穀鄭氏謂豆實四升三豆則一斗有二  
升矣隋志唐令及本朝雜令皆以三升為一升今來本  
官乞一盞一盞共實飯八升是各實飯四升乃古之一  
斗有二升也前此有司每一盞各實飯半升近於菲薄  
今看詳欲依本官所乞施行 一大禮儀注暹豆盞盞  
並加巾蓋奠訖卻之今禮器雖有今巾蓋有司乃置而  
不用欲乞依儀禮加巾豆及盞盞加蓋設於饌幔報事  
官捧執以入禮部尚書升堂奠訖執事官以巾蓋降出  
庶協禮文謹按大禮儀注司奠奠帥府史及執事者以

祭器入設於位

凡設祭器皆藉以席  
運豆盞盞又加巾盞

又云實運豆盞盞

於饌慢內次引禮部尚書詣饌所奉運豆盞盞以升詣

神位前跪奠啟蓋於下前此有司不用巾蓋即與上件

儀注不同今欲依本官所乞施行 一大禮儀注凡蠶

之實各視其尊謂如著尊一實元酒則著蠶亦實元酒

又著尊一實醴齊則著蠶亦實醴齊太奠一實泛齊則

太蠶亦實泛齊之類今有司凡蠶皆實明水非是欲乞

改正謹按大禮儀注良醞今即其屬入實尊蠶著尊二  
十實元

酒一實醴齊皇帝酌之蠶尊二一實元酒一實蠶齊亞  
終獻酌之太尊二一實泛齊一實醴齊山尊二一實蠶  
齊一實醴齊蠶尊二一實泛齊一實醴齊山尊二一實蠶  
實各酒一實清酒並設而不酌凡蠶之實各視其尊前

此有司凡蠶不實五齊三酒皆實明水即與上件儀注

不同今看詳欲依本官所乞施行右劄付太常寺依看

詳到事理施行

淳熙六年四月七日禮部太常寺奏勸會已降指揮今歲明堂大禮今有司除事神儀物諸軍賞給依舊製外其乘輿服御及中外支費並從省約仍疾速從實條具聞奏及申尚書省今參酌逐次大禮禮例條具下項

一依已降指揮明堂大禮合祭天地並侑祖宗從祀百神並依南郊禮例今照得郊祀大禮排設籩豆禮料數內第一龕五方神神州地祇大明夜明天皇大帝北極十位依儀條用十籩豆禮料其餘從祀神位並用二籩豆禮料數內五方帝神州地祇太明夜明天皇大帝北五行五官五嶽二十五位依儀並用十籩豆禮料其餘從祀神位並用二籩豆禮料所有將來明堂大禮所設

從祀蓮豆禮料欲乞依逐次明堂大禮禮例施行兼契  
勘昨淳熙三年郊祀大禮圓壇并望祭奠禮料依禮例  
排辦兩料今來明堂大禮止合排辦一料欲乞從太常  
寺依逐次大禮禮例具數關報所屬排辦一勘會逐  
次郊祀大禮圓壇正配四位係用特牲今來明堂大禮  
依逐次明堂大禮禮例係每位各合用牛羊各一及郊  
祀大禮從祀衆星共七百七十六位共合用羊豕各一  
十五今檢照皇祐大饗明堂記五帝神州用犢六所有  
羊豕亦依郊例合用十六以薦日月以下從祀神位詔  
可及紹興四年明堂大禮已降指揮從祀用羊豕各二  
十二所有今有明堂大禮五方帝以下從祀神位合用  
羊豕欲乞依紹興四年已降指揮用羊豕各二十二其

前項合用牛羊豕仍依逐次大禮禮例行下所屬採

買應辦詔依

九年  
此

同日禮部太常寺言所有今有明堂大禮其太常寺應  
合行檢舉排務乞並依淳熙三年郊祀大禮已降指揮  
排辦詔依今檢舉下項 一檢點禮經用鬱金香草煮  
以和秬黍造鬱鬯酒合下信州收買三十斤發赴太常  
寺應副趁時造麴醞酒 一檢照紹興三十一年太常  
少卿王普言謹按周官凌人祭祀共冰鑑先儒謂鑑以  
盛冰置食物於中以禦溫氣本朝在京有水井務季冬  
藏水仲春開水皆饗司寒凡祭祀共冰如禮今行在雖  
不置水井務然三衙所藏冰雪甚多唯祭祀未嘗用之  
誠為闕典况將來明堂大禮天氣尚溫前一日晡時宰



割牲牢隔夜製造神食若無水鑑恐不鮮潔欲望朝廷  
行下三衙據本寺闕報應副神厨合用水雪仰稱明德  
以薦馨香之意今來合用報殿前馬步三司供水一千  
八百五十斤赴景靈宮太廟明堂厨供仗 一合用果  
實等各於祠前一日令光祿丞同太官令監視用淨香  
水如法洗擇烘焙務要潔淨 一依已降指揮合差官  
守宿監視禮料等先是乾道三年郊祀大禮應合用牲  
牢禮料酒齊並係臨安府差官專一排辦置庫收貯各  
於祀前一日齋奉逐處祠所大禮使已下立班點饌畢  
盡赴神厨係光祿丞太官令守宿監臨饌造各於行事  
時前實設以俟行事其臨安府見今排辦牲牢禮料酒  
齊未曾差官守宿監視竊慮不致嚴潔今欲令臨安府

所差排辦官在庫守宿監視各至祀前二日齋奉管押  
赴祠所却令太常寺官就祠所點檢守宿施行庶得嚴  
潔詔依太常所申續據臨安府申差通判提督點檢格  
辦禮料

並項檢舉九年並做此

十日太常寺言勘會今來明堂大禮所有應用酒齊禮  
料什物幕次等並係臨安府排辦緣今來大禮日近竊  
排辦未備欲乞依例專委臨安府知府提領所貴不致  
臨時誤事詔依

九年此

八月十九日中書門下省言勘會明堂大禮所用祭器  
果實合前期如洗法滌詔令都大提舉主管鄧又陳子  
常躬親監視洗滌祭器用香水分淨洗果實并安頓去處  
並要嚴潔

九年同此制內都大提舉劉慶祖在汝

中興禮書第五十九卷

吉禮五十九

明堂祭器

紹興元年三月八日太常寺少卿蘇遵等言勘會將來大禮合祭天地並配祖宗所有合用大樂祭器乞令兩浙江東路轉運司取索所屬州軍縣鎮具見管的確數目格管祇備將來大禮供使竊恐州縣並不盡數供申及有損壞名件亦不脩整有誤使用欲乞朝廷特降指揮下兩浙江東路轉運司責限雅飾修整先行開具的確數目供申朝廷下本寺相度合用數目津發赴行在使用詔依

四月三日太常寺言條具到明堂合行事件下項 一

祀天并配位用匏爵陶器乞令太常寺具數下越州製造仍乞依見今竹木祭器樣製燒造一將來大禮依儀皇帝盥洗合用盤匜飲福合用玉爵欲乞下工部指揮所屬做舊制隨宜製造詔祭器候討論定合設神位仰太常寺具合用數目令臨安府製造餘依

五月十九日工部言文思院料到製造大禮壇上合用飲福洋金注梳一副爵培一副金鍍銀湯甌一火燎子一副漉羅子一朱紅漆桌子一金漆桌子二詔金銀令戶部依數應副候用畢並赴左藏庫寄納

二十六日禮部太常言勘會將來明堂大禮見闕鼎豆下項牛羊豕鼎各四并為畢二幕全受黍豆一并並係用銅鑄并隨鼎合用名件乞下工部文思院疾速鑄造應副將

來明堂大禮使用若已後更有綠大禮合創行或添修  
雅飭名件亦乞令開具名色數目申工部下所屬製造  
詔依

四年四月十九日權工部侍郎蘇遵等言勘會近奉聖  
旨陶器令紹興府餘縣姚燒造餘並令文思院製造本  
部契勘昨紹興元年明堂大禮其合用禮儀物色內除  
祭服并銅器係文思院造作外有竹木祭器並是紹興  
府製造應副今相度欲將祭服銅鼎令本院造作外其  
竹木祭器令太常寺畫樣依例臨安府支破官錢分下  
諸縣依樣製造並於大禮前六十日一切足備赴太常  
寺送納詔依

二十七日禮部侍郎陳與義等言太常寺申勘會昨建

炎二年郊祀大禮其所用祭並係于東京般取到新成禮器紹興元年明堂大禮所用祭器為新成禮器渡江盡皆散失申明係依三禮圖竹木及陶器樣製造應副了當今來明堂大禮所用祭器係令太常寺畫樣令臨安府下諸縣製造本寺契勘新成禮器昨除兵火後常州繳納到簋并壺尊山犧彝各一外其餘尊彝豆爵坩并簋之類並無樣制亦無考古圖冊照據今來未敢便依紹興元年明堂大禮例畫竹木祭器樣制詔依紹興元年明堂大禮所用三禮圖樣製造

同日工部言據太常寺申契勘今來明堂大禮正配四位合用陶器已降指揮下紹興府餘姚縣燒造其從祀四百四十三位合用竹木祭器已令臨安府製造數內

木太尊二十四隻今續討論到依周禮禮記儀禮其太尊係用瓦為之合行改正欲乞申明朝廷令指揮兩浙轉運司行下紹興府餘姚縣一就燒造瓦太尊二十四隻供使詔依

七月二十八日禮部太常寺言將來明堂大禮合用祭器等約九千餘件見今紹興府燒造陶器臨安府文思製造竹木器等將欲畢備委實別無安頓去處乞下臨安府指揮所屬權令置庫安頓詔依

七年五月七日禮部太常寺言今續條具到合行事件下項 一朝饗太廟合用玉珪瓚并渾金瓚盤緣今來太廟見管係金鍍銀珪瓚外見闕瓚盤今相度隨宜權用見工部下文思院計會太常寺樣制造作及雅飾珪

璜 一朝獻景靈宮并朝饗太廟合用祭器除太廟奉  
安所見掌管掌祀竹木祭器等外尚有闕少數目緣太  
廟常祀祭器昨在温州一時造作雖依樣制又緣與紹  
興四年明堂大禮造到祭器容受不同今欲乞權宜用  
太廟見管祭器外若更有闕少名件令太常寺開具數  
目內竹木祭器報建康府止依本朝見管樣制一體貼  
造銅器報文思院製造及令文思院檢計雅飾添修太  
廟見管祭器詔依

同日禮部太常寺言將來明堂大禮皇帝朝獻景靈宮  
行禮合用真玉爵三瑤爵六并朝饗太廟合用真玉爵  
二瑤爵二內真玉爵合下文思院收買真玉依樣製造  
其瑤爵係用珉石造作今來慮恐行在所屬難得真玉



珉石契勘福建路有出產白石似玉今相度欲乞將太廟見管爵蓋樣制專委福州守臣收買白石依樣製造爵蓋共一十五隻權宜充代供應今本州用匣褥覆帕襯藉收盛差使臣一員同兵級星夜管押前來行在太常寺交納詔依

八月十七日太常寺言明堂大禮提點一行事務李彌遜劉子勘會合用四圭真玉并爵蓋已降指揮用白石令福州守臣製造竊慮道遠路遙臨期悞事欲預令太常寺重別討論製造充代劄付太常寺重別討論申尚書省本寺今討論到下項一合用玉爵檢會皇祐明堂記皇帝詣聖祖天尊大帝座前北向揖圭跪進酒再進酒三進酒蓋用金器內侍二員進酒接蓋所有今來

合用白石爵蓋若於大禮前半月福州未行發到乞從  
本寺申工部下文思院打造金爵蓋一十五隻於受誓  
戒前赴寺送納事畢付左藏庫交收 一今來合用四  
圭有卽若於大禮前半月福州未行發到欲將本寺見  
管兩圭有卽元接押玉二段令文思院拆圭頭安插作  
四圭有卽候九月二十日朝獻景靈宮行禮畢却令本  
院日下依舊補飾充兩圭有卽應副明堂大禮供使詔  
爵蓋已行製造如大禮前半月福州所造爵蓋未到本  
寺自合一面請降餘依討論到事理施行

二十四日知福州張致遠申躬親選擇石段監視依元  
降式樣製造到爵蓋一十四隻及準備爵蓋三隻四圭  
有卽一段契勘所造圭爵為無成片大石係三段連接

并四圭有卽係依樣揆插造成劉付太常寺收管

九月八日

禮部大常寺言劉會得對福州元造白石四圭有卽并

壽蓋並係三改或四段揆合銘級或就陰四圭有卽可

隨宜仗用外其壽蓋宿恐臨廟洗壽酌

禮部已降指揮請降卽前所造壽酌

早令太廟未安所置厝如去收或銘依

九年八月十五日禮部太常寺言來年係大禮年即合

預行申明未審行是何典禮詔將來行明堂大禮其祭

服禮器令禮部太常寺更加討論

十月二十二日禮部太常寺言今遵依指揮討論祭祀

服用欲且遵依紹興四年已得指揮外其所用爵以木

為爵形而背上負尊按郊廟奉祀禮文謂許氏說象爵

之形中有鬯酒又持之也昨來臣僚看詳以謂不應古

制欲倣古刻為爵形鑿其背以實酒以應說文中有鬯

酒之義又攷禮象銅爵之制有首有尾有柱有足有柄  
正得古制兼昨來政和年間已曾依此改正鑄造緣渡  
江之後類皆散失兼昨紹興七年明堂大禮御前降到  
古銅爵依得禮象制度今來合將木爵並行改正用銅  
製造欲乞送工部下文思院依樣製造銅爵并坩內皇  
帝飲福爵依禮經合用玉爵今來若闕真玉即乞依紹  
興七年禮例用金爵仍令翰林司供應即不須更行製  
造詔依

十年二月一日工部言據文思院下界申契勘近承指  
揮改造將來明堂大禮合用銅爵畷并坩依古爵禮象  
製造四百五十二隻爵坩合依本寺見管禮象內樣製  
造四百七十二片本院計料造爵坩一副合用工料並

係下所屬庫務支買使用內銅止有受納列信州鉛山  
縣山礦生銅夾雜錫澤生鐵鑄造功細物色不行兼本  
院全閩鑄鎔工匠今詢問得建康府句容縣多有銅匠  
造作銅古器貨賣制作精緻乞朝廷指揮建康府下句  
容縣計置依樣鑄造詔降樣付建康府措置依樣製造  
務要精緻及於前期一切了畢仍專委留守司

三十一年五月十一日禮部太常寺言准御札節文今  
年九月有事于明堂今檢准國朝會要政和七年四月  
十八日禮制局言郊用特而明堂用牛羊豕郊用鬯爵  
而明堂玉爵其餘豆登簋俎尊罍並用宗廟之器但不  
設羹不裸所有今來明堂大禮欲乞依上件典故施行

詔依

淳熙六年九月  
並做此

八月一日禮部太常寺言將來九月二十日明堂大禮  
前二日朝獻景靈宮并前一日朝饗太廟今從宜參酌  
條具到合行申請事件下項數款內前二日朝獻景靈  
宮合祭用器黃帕帨巾修築燎壇并前一日朝饗太廟  
別廟合用殿室法物祭器黃帕帨巾神廚什物神門戟  
槩等並乞依親行朝獻并親饗太廟體例闕報所屬照  
應已降指揮修飾排辦所有明堂大禮合用祭器黃帕  
帨巾神廚什物修築燎壇塔蓋祭器庫屋亦乞令所屬  
照應已降指揮修飾排辦詔依

淳熙六年四月七日禮部太常寺言已降指揮今歲明  
堂大禮令有司除事神儀物諸軍賞給依舊制外其乘  
輿服御及中外支費並從省約仍疾速從實條具聞奏

及申尚書省今參酌條具到數內明堂大禮并朝獻景靈宮朝饗太廟別廟分詣九宮貴神太社太稷及麗正門肆赦合用登歌宮架大樂樂架樂器名件二舞引舞執色樂舞服著法衣等并合用竹木銅陶祭器黃帕悅中拭爵中等並係事神儀物經隔年深雖前次大禮所屬檢計量行修換雅飾今來又經三年及歲中逐時祀祭使用其竹木祭器綠梅蒸膠水脫落黃帕悅中拭爵中顏色清損不堪供使及樂架樂器引舞執色法衣內有委實破獎不堪名件乞令修飾官司檢計修換雅飾修整施行詔依

五月十三日禮部太常寺言昨乾道三年郊祀大禮所有合用祭器已降指揮前期輪太常寺官躬親監視如

法洗滌務潔淨不得波裂監察御史躬親檢察并淳熙三年已降指揮令都大提舉主管官躬親監視滌濯祭器欲乞前期般運赴麗正門裏宮門外東西廊屋下安設令儀鸞司同臨安府用夾幕如法釘設遮護伺候太常寺官并都大提舉官洗滌候滌濯訖般運赴新置便門裏東西廊屋下如法安設用夾幕釘設遮護所有洗滌及習儀前期合差供官軍兵般運祭器官物入殿鋪設並各合用入出皇城門并經由宮殿門牌號乞報皇城司闕借詔依要靈宮太廟合用祭器亦依上件禮制前期輪太常寺官躬親監視洗滌八月十九日中書門下省言勘會明堂大禮所用祭器果實合前期如法洗滌詔令都大提舉主管官躬親監視滌濯祭器用香水洗淨果實并安頓去處並要嚴潔



二十九日明堂大禮都大提舉主管所奉詔取芻香一

兩降付太常寺充洗滌祭器等使用先是乾道三年郭

太常寺官郭觀檢祭洗滌祭器果實等復

又降寺同都大主管官洗滌道以為例

中興禮書第六十卷

吉禮六十

明堂祭服一

紹興元年五月十五日御史臺禮部太常寺言同共條具到明堂大禮合行事件下項 一太常寺會到御藥院皇帝冠冕法服大圭綬籍見隨行在收掌欲乞將來大禮行事依儀皇帝服袞冕亞終獻行事執事官服祭服前導陪祠官服朝服應奉人服法衣所有朝祭服乞令工部下所屬製造 一奏請皇帝致齋日依儀皇帝服通天冠絳紗袍百官並服朝服應奉人服法衣今來所用朝服法衣數多竊慮難以施行製造欲乞是日皇帝服履袍百官並應奉人並常服立班奏請一行事執

事官大禮使至少府監共七十五員

內禮部侍郎二員  
太府卿少府監各

一員禮部郎中二員乞服常服外共  
十九副及遠被飾朝服六副共七十五副  
太常寺應奉

人錦公服一十五副緋羅寬衫等  
二十三副緋袍寬衫等五十七副  
詔依

七月十日禮部狀准都省批送下太常少卿蘇遵等劄  
子契勘大禮所用朝祭服雖止七十餘副然用羅帛金  
銀犀玉之類已自不少工作甚衆文思院難得精工若  
下州縣差雇必致煩擾欲乞除亞終獻祭服外其餘與  
祭官並只用常服庶免煩費批送禮部相度本部按禮  
經無田祿者不設祭器有田祿者先為祭服注云祭器  
可假祭器宜自有又曰君子雖貧不鬻祭器雖寒不衣  
祭服以此觀之古雖士大夫之家未有以常服與祭者  
况宗廟朝廷之祀乎契勘今年合行郊祀大禮緣多事

之際務從簡易遂有明堂之議續奉詔書欲遵皇祐二  
年宗祀明堂制度本部又參酌止乞合祭天地奉太祖  
太宗以配元奏稱禮專而事簡庶幾可以致力於神明  
然後申飾攸司各揚乃職犧牲必成菜盛必潔衣服必  
備以盡其所以致力於神之意當時侍從臺諫集議唯  
於所議神位小有不同其餘亦皆無所損益尋奉聖旨  
依今若一切務從簡省盡棄禮文竊恐一朝大典在於  
國體有所未安本部相度欲乞依先議定典禮及已降  
聖旨施行申都省後批送禮部准備朝服六副更不製  
造外餘依禮部相度到事理施行

八月七日禮部太常寺言文思院中契勘先造過大禮  
朝祭服綿綾合用錦數在左藏東庫別無本色見在應

副契勘將來明堂大禮文思院見造朝祭服內錦綬自來係用天下樂八答纛錦方勝宜男黃師子白師子簇四金鵬錦共六等若或左藏庫委實闕逐等錦名色今相度欲將本庫見有別名色錦依高下等等權行充代詔依

四年五月十日禮部太常寺言御史臺奏契勘將來明堂大禮合行儀令事件 一自來大禮依本臺儀陪祠官並朝服綉結佩前三日午前奏請皇帝致齋奏請畢宿於朝廷今來欲依紹興元年明堂大禮只用常服奏請畢宿於本司致齋無本司者宿於臨安府踏逐到宿齋去處 一自來大禮本臺主管班次引贊官知班次入殿并禁衛內往來編排報引陪祠并肆赦等官班次

依本臺條例引贊官入品知班并合服介幘絳公服有  
官人服本品朝服禮部太常寺相度欲令工部製造絳  
公服四副絳窄衣七副二梁冠朝服二副緋羅衫幘三  
副所有陪祠官今欲依紹興元年明堂大禮例並常服  
陪祠詔依

十六日太常寺言准幹辦御藥院郡邪等劄子奉聖旨  
太常寺將來明堂大禮御藥院官并扶侍官等一十員  
依舊例造朝服一十副至日服著

二十七日閤門言契勘近奉聖旨將來大禮應前導并  
進中嚴外辦解嚴牌官及引進中嚴外辦解嚴牌閤門  
宣贊舍人提點承受等並服朝服餘覺察侍立閤門宣  
贊舍人已下並服常服昨紹興元年前導樞密并諸房

副承旨閣門官已曾經服朝服外近供申朝廷前導樞  
密副都承旨一員進嚴中等牌閣官二員引進中嚴等  
牌宣贊舍人二員提點承受兼祇應使臣二員並合添  
造朝服共七副乞下所屬製造詔依

六月二十二日禮部太常寺言檢准國子監丞王善劄  
子具到明堂大禮致齋侍立以樞密院閣門官謹按唐  
開元禮大祭祀致齋及鑾駕出宮皆以侍臣夾侍于前  
侍臣謂侍中中書令以下凡兩省官是也今則兩省官  
不得侍立皆與舊典不合今雖不置亦當攝事敬乞並  
依故事差官奉聖旨依勘會今來來侍立侍臣係侍中  
中書令兩省并諫官約八員於禮各服朝服欲乞指揮  
工部下文思院創造朝服八副詔依

七月五日禮部太常寺言臣僚上言昨具奏今歲明堂大禮陛下唯內盡其誠則神靈顧歆福祉降格不必在于備物矧干戈未戢自難依承平故事臣面奉聖訓謂正當務崇簡儉繁文未節無益于實所宜痛削既已敎有司施行然尚未能仰體聖意議禮者不過人曰主祀天地為國盛典情文不可以不備至殊不知禮有隆殺在于因時易于損則曰曷之用二簋可用享於坎則曰樽酒簋二用缶納約自牖于既濟則曰東鄰殺牛不如西鄰之禴祭實受其福聖人豈虛言哉伏見御輦院已雅飾平輦復製造道遙子工部中以無細功工匠約用金九千餘兩雖已降指揮用銀而塗金開他所須物料皆非尋常易得者恐難于卒辦昨來紹興府亦不曾製



造陛下自南渡以來於服用之物未嘗少增飾孰不知  
之此必非陛下之意又修內司乞雅飾朝殿殿門東西  
兩廊南北宮門及女頭新置便門露籬應于廊廡皆加  
丹雘臣竊謂此于欽祀何所補哉陛下親祠不出行宮  
門而迴回空墻以至便門至欲煥然一新果安用之臣  
嘗考周宣王中興詩美其修車馬備器械因田獵而選  
車徒固不急于稽古禮文之事今強敵蓄謀未已叛逆  
竊據中原日夜窺我邊陲而朝廷百司緣明堂大禮講  
求儀物十居七八方大興土木之役廣求雕鏤文繡欲  
為觀美百工之事及于旁郡此皆有司之過大抵不識  
事體者唯欲興作因以規利不顧其他臣非不知三歲  
大禮陛下躬執圭幣欲感通于上下神祇凡百豈可苟

簡唯其間實可緩及不必備者伏望睿旨取見今百司所創建製造照應紹興元年體例可罷者罷之可減者減之無牽於侈誕之說務存其實庶為盡善取進止勘會昨紹興元年明堂大禮止係正配四位今來明堂大禮添從祀百神四百餘位兼雅飾朝殿門廊等已降指揮住罷外奉聖旨逍遙子植住製造其餘祭器什物等令禮部太常寺更切講究有無可減之數具狀申尚書省今講究條具裁省下項一舊差分獻官一百員今止乞差三十五員舊差奉禮郎六十員今止乞差五員舊用贊者一百二十四人今止乞差五十九人用供官一百二十人今止乞差七十七人已減造緋羅絹衫幘舊用副羊豕各二十二口今已各減一十一口一契勘

先造祭器名件除依四月十六日指揮減衆星物件外並係的實數目今于數內再行裁減下項單盤八面黑漆匱食九面今各欲減二面素木偏釘一十張今欲減二張黑漆腰輿九副今欲減二副準備匏爵并玷三副今欲減一副準備俎三十隻今欲減一十五隻汲水桶一十五隻今欲減五隻醴齊盞齊泛齊纒齊沈齊事酒昔酒清酒逐色各備副酒一斗今欲各減半從祠祀祭副酒五斗今欲減二斗一節次承指揮製造下項朝服緣紹興元年並不曾製造今欲並行裁減止服常服御史臺朝服二副絳公服四副絳窄衣七副太常寺朝服四副詔依禮部太常寺講究再裁減到事理施行九日禮部太常寺言檢會國子監丞王普劄子具到明

堂大禮有未合典禮事件數內祭服鷩冕為八旒毳冕為六旒希冕為四旒元冕無旒共為四等奉聖旨並依今檢會郊廟奉禮祀文資政殿大學士以上侍祠服鷩冕觀察使以上服毳冕監察御史以上服希冕朝冠以上服元冕選人以上服爵弁以應古制元豐三年二十二日中書劄子奉聖旨依奏不用爵弁東頭供奉官已下至選人盡服元冕無旒今參酌到將來明堂大禮所差侍祠行事執事官依自來禮例並隨攝事所服大禮使亞獻終獻左僕射已上並服合鷩冕八旒吏戶禮兵刑工部尚書吏禮刑部侍郎已上並合服毳冕六旒光祿卿讀冊官監察御史舉冊官分獻官已上並合服希冕四旒光祿丞奉禮郎協律郎進搏黍官太社合良醴

令大官令捧俎饌等官供祠執事內侍已上並合服元冕無梳詔依

中興禮書第六十一卷

吉禮六十一

明堂祭服二

紹興七年四月二十一日禮部太常寺言今條具列下  
項 一依儀皇帝服袞冕行禮禮儀使樞密院官太常  
卿閤門官太常博士禮直官分左右並服朝服前導昨  
紹興四年明堂大禮依儀皇帝服袞冕行禮前導官並  
服朝服唯前導并奏請禮直官為製造朝服不及止服  
常服前導應奉顯是所服不一兼贊引公卿禮直官已  
是本品法服所有今來明堂大禮前導四有官禮直官  
欲乞下工部指揮文思院製造朝服二副所貴嚴肅  
一行宮祇候庫見管昨來明堂大禮行事官朝祭服并

祇應人衫幘法衣等今來明堂大禮欲乞令行宮祇候  
庫除應本副行宮太常寺逐時祠祭祭服衫幘等留在  
行宮本庫供使外仍將應干朝祭服法衣衫幘等並令  
本庫差專庫管押前來行在祇候庫及令本庫牒文思  
院差人檢計雜飾若有合創造名件令太常寺具數申  
工部下文思院製造並于大禮前十四日畢備詔依

五月七日禮部太常寺言今來所差官並合服祭服行  
事內除良醜令昨明堂大禮已造祭服外若其餘官並  
行製造祭服竊慮數目稍多今欲乞將薦牛羊豕俎官  
三員并進幣爵酒官受爵酒官進幣官受幣官壘洗奉  
爵官奉瓚盤官九員乞令工部下文思院製造祭服外  
其薦香燈官宮闈令各一十一員乞依常饗禮例止服

常服行事詔依

九月五日禮部太常寺言勘會將來明堂大禮續參酌  
事件下項 一依已降指揮有官禮直官二人前導應  
奉許服朝服已令文思院製造朝服二副訖今來除官  
禮有官禮直官一名外餘一名許正禮直官權攝應奉  
欲乞許服朝服所貴一體 一勘會今來逐處習儀并  
前十日受誓戒前一日省牲點饌太常寺贊者供官並  
合服幘頭緋衫腰帶樂工係介幘緋衫緣今來見于六  
曹寺監等處借差到贊者供官若令旋行製造委是應  
辦不前今欲乞除太常寺舊管贊者供官依上件所服  
外其餘並依樂工例服介幘緋衫勒帛赴赴祇應詔依  
十年四月十日工部狀據文思院下界申本院近準太



常寺條具申請將來明堂大禮合用登歌大樂并宮架  
 樂舞合行事件等令契勘宮架祇應工等人合法服衣  
 內緋紫皂繡花搭鷲衫袍衣抹額共一百八十餘件止  
 乞打造纈帛充代貴得省簡本院今來無花搭樣制兼  
 昨造鞞官服著纈衫係御鞞院彩畫合用花樣送左藏  
 庫下臨安府開板本庫支給生帛打造纈帛赴院送納  
 應副使用今來太常寺申請造補花纈衫等乞指揮太  
 常寺彩畫每件合用花搭數目大小尺寸樣制送左藏  
 庫依例報所屬鑄造花板打造纈帛赴庫支給前來本  
 院造作後批送工部依所申施行

二十八日禮部太常寺言今來明堂大禮已降指揮添  
 設宮架樂舞依儀合差押樂太常卿并殿下協律郎各

一員其逐官并合服祭服欲乞工部下文思院製造施行詔依

五月十八日御藥院言奉聖旨將來明堂大禮行事等官服著朝服等數少令御藥院申明朝廷下所屬依品秩貼造內御史臺閤門應奉人合用法衣令逐處供報實數造作朝服一百五副殿中少監奏奉神主官太史令執燭官各一副設練籍官尚醞奉御官捧進俎官灌茅祭酒官引冊官禮直官各二副升殿等應奉內侍官一十五副奏請致齋陪祠行事宰執使相侍從臺諫武臣正任已上七十副祭服六十五副右僕射刑部尚書刑部侍郎各一副舉鼎官三十二副供亞終獻盥洗爵站官八副宮闈令薦香燈官各一十一副監焚瘞玉帛

并醕酒內侍朝服<sup>二</sup>副詔行事官朝祭服依已得指揮  
令文思院製造候了畢赴祇候庫送納

六月五日禮部太常寺言契勘昨遇明堂大禮其登歌  
樂工係服緋絹寬衫白抹帶介幘今來明堂大禮其宮  
架樂工已請到指揮令文思院造緋纈鸞彩并抹帶平  
巾幘所有登歌樂工亦合下文思院一就造作四十五  
副與已造宮架樂工舞色法衣並送祇候庫收管詔依  
八月十八日禮部言工部狀據文思院申近承指揮製  
造明堂大禮行事官朝服一百七副祭服六十五副計  
一千八百餘件除已製造送納祇候庫外止有錦綬一  
百一十件元料用合八格暈錦簇四金雕黃師子錦白  
師子錦葵花錦方勝練鶴錦青荷蓮錦造作左藏庫見

闕本色錦于椿管激賞庫拔到錦五十段內其錦色不  
同太常寺牒稱今既闕合用錦自合將請到以色額高  
下隨宜造作所有御史臺刑部官合用青荷蓮錦難以  
用紅綠充代本院除將合用紅錦隨宜造作使用外數  
內有青荷蓮錦綬共九件委是庫闕今乞權以青羅隨  
宜生色彩畫荷蓮充代候左藏庫有本色青錦日依舊  
造作禮部太常寺看詳欲乞權依文思院所申施行詔  
依

三十一年六月十三日給事中黃祖舜等言本省先承  
尚書劉子臣僚言將來明堂禮物等有支費浩瀚可  
減者減之可罷者罷之奉聖旨令中書門下後省看詳  
又承已降指揮將來秋季大饗明堂方時多事理合從

宜可令禮官詳議以聞本省看詳今來文思院上下界  
添修五輅及軍器所各有見行造作添修換造法物等  
工作欲乞權令截日住工聽候朝廷指揮詔依看詳到  
事理施行

二十三日權尚書省工部侍郎黃中劄子勘會文思院  
見有添修換造禮部中嚴外辦解嚴牙牌并合用竹罔  
及闕門班齊排太常寺朝祭法服太史局神位牌等竊  
慮內有將來明堂大禮不可少闕合用名件緣去大禮  
月日不遠臨期造作不前今欲乞從本部行下應元申  
乞添修造作去處自今降指揮下日限三日指揮將來  
實合要用之數申取朝廷指揮行下文思院添修造作  
施行仍令本院將已造不須排辦名件闕報元掌管去

處送納如法愛護椅充後次大禮使用不管稍有損壞  
伏乞朝廷詳酌指揮施後批送部依所申施行

淳熙六年四月七日禮部太常寺言勘會已降指揮今  
歲明堂大禮令有司除事神儀物諸軍賞給依舊制外  
其乘輿服御及中外支費並從省約仍疾速從實條具  
聞奏及申尚書省今參酌條具到數目據祇候庫狀契  
勘本庫所管冠冕朝祭服並係宰執親王使相文武百  
官等行事服著并諸色人法衣等例各累經闕借服著  
年深漬污破損內冠冕脫落緋皂履盞依逐次大禮體  
例合行盡數修換雅飾禮部太常寺今從省約欲乞將  
見管朝祭服法衣等逐一檢如有可以服著名件更  
不須修換其顏色暗淡即令出染修整或委實破損不

堪供使服著即令修換詔依

六月七日工禮部言准都省批下戶部申祇候庫狀契  
勘今歲明堂大禮應奉添修事理並條的確排辦數目  
開具下項 一數內修換荔枝花雙鹿兒腰帶紫羅單  
旋襖衫等條前郊添修後來累經闕借服縈委實不堪  
合行修換所有禮畢宰執侍從百官并諸色祇應人回  
鑿并恭謝花朵乞依指揮申牒所屬製造依格給賜  
一合設皇帝安頓通天冠絳紗袍袞龍服大圭等幕次  
四處係內中及太廟景靈宮明堂殿乞下臨安府儀鸞  
司釘設并幕次內及援衛沿路執打紅紗燭籠內點照  
四兩臘燭共六十條及薰撒皇帝頭冠袞冕禮衣及撒  
御道生白大片龍腦一十五兩今乞依逐却已省約定

數目下雜買務收買四兩數蠟燭五十條左藏西庫揀  
選堪好生白大片龍腦一十二兩供納赴庫使用一  
合用進掛御服并進接大圭鎮圭鋪撒繖藉織御道撞  
頭冠匣御衣箱官已下八內內侍省差并合用照管熬  
貼御服熟火乞差翰林司一名就本司閱請熟火并炭  
齋赴逐幕次內掌管晝夜停留及合用裁縫作二人頭  
冠腰帶靴履面花稜道雜釘戎具結條作各一名乞下  
御藥院文思院差撥并擡擎頭冠禮衣等筆官乞下御  
輦院差撥所有合用供內儀鸞二十人代庫子一十人  
般擔官物軍兵二十人援衛天武三十六人乞下內東  
門司差供內儀鸞一十人殿前司差代庫子七人援衛  
天武三十人般擔官物軍兵一十人並各前期差撥其



合用勅號乞報皇城司關請并工匠頭刃名件及著火  
燭去處乞報皇城司關照會放令齎赴逐處入出使用  
文思院狀所管工匠不多乞下祇候庫照應前郊大禮  
體例報臨安府貼數差撥 一文思院修換駕頭扇篋  
事件匣仗腰與等黃羅綠席褥一副并爭金雞藝人緞  
羅襖子及製造納壽聖齊明廣慈太上皇后皇后合用  
黃羅表絹夾二副帕一條并皇后投進賀表紅羅絹夾  
二幅帕一條共三條及排辦皇太子茶酒等候今降指  
揮下日從工部移關戶部行下所屬具實合造物件  
數目料造施行詔依

九年  
敕此